



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove

Broj: 04-23-4-4446-3/22

Datum: 08.12.2022. godine

Služba za finansije, privredu, komunalne i inspeksijske poslove općine Tešanj, rješavajući po zahtjevu Službe za društvene djelatnosti i investicije općine Tešanj, u predmetu izdavanja odobrenja za obustavu saobraćaja, na osnovu člana 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10,1/12), člana 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj: 11/17) i člana 262. Zakona o upravnom postupku ("Sl. novine FBiH", broj: 2/98, 48/99, 61/22), donosi

RJEŠENJE

Mijenja se rješenje Službe, broj: 04-23-4-4446/22 od 07.12.2022. godine, kojim je Službi za društvene djelatnosti i investicije odobrena privremena obustava saobraćaja motornim vozilima u dijelu izmjene režima saobraćaja, tako da glasi:

1. ODOBRAVA SE Službi za društvene djelatnosti i investicije općine Tešanj privremena obustava saobraćaja motornim vozilima za dane 09.12. i 10.12.2022. godine u periodu od **08,00 do 15,00 h** na lokalnoj cesti LC-17- Tešanj-Medakovo-Tešanjka, na dionici od **Kružnog toka do hotela Vila Ukus**, a od **13,00 do 15,00 h** na dionici od **Kružnog toka do Mann Hummela** saobraćaj će se odvijati naizmjenično, propuštanjem vozila jednom prometnom trakom, uz regulisanje prometa, a radi izvođenja radova "Nastavak izgradnje saobraćajnice kroz Poslovnu zonu Bukva-Vila" od strane izvođača "Dobojputevi" d.d. Doboj Jug.

Saobraćaj izvan navedenih termina se obavlja nesmetano, bez ograničenja.

2. U periodu privremenog zatvaranja, saobraćaj će se odvijati alternativnim saobraćajnicama Starom cestom preko Vukova, Novog Sela i Žabljaka.

3. Obustavu saobraćaja obilježiti vertikalnom saobraćajnom signalizacijom a odvijanje saobraćaja će biti regulisano uz pomoć ovlaštenih lica.

4. Policijska uprava Tešanj će dodatno pratiti stanje sigurnosti saobraćaja na tom dijelu općine, preduzimati će mjere sigurnog odvijanja saobraćaja i druge mjere iz svoje nadležnosti.

5. Ovim rješenjem stavlja se van snage rješenje Službe, broj: 04-23-4-4446/22 od 07.12.2022. godine.

O b r a z l o ž e n j e

Služba za društvene djelatnosti i investicije općine Tešanj u cilju izvođenja radova na projektu "Nastavak izgradnje saobraćajnice kroz poslovnu zonu Bukva-Vila", podnijela je zahtjev Službi za finansije, privredu, komunalne i inspeksijske poslove općine Tešanj za privremenim zatvaranjem dijela lokalne ceste LC-17- Tešanj-Medakovo-Tešanj dionica od Kružnog toka do hotela Vila Ukus za dane 09.12. i 10.12.2022. godine u periodu od 08,00 do 15,00 sata.

Služba je u postupku rješavanja zahtjeva ustanovila da ne postoje smetnje za novi režim odvijanja saobraćaja u periodu privremenog zatvaranja lokalne ceste LC-17-Tešanj-Medakovo-Tešanjka dionica od Kružnog toka do hotela Vila Ukus.

Naknadnom analizom saobraćaja koji se inače odvija kroz industrijsku zonu Bukva-Tešanj, stvorile su se potrebe za izmjenom režima saobraćaja na lokalnoj cesti LC -17- Tešanj-Medakovo-Tešanjka.

Imajući u vidu naprijed navedeno, u skladu s članom 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj:11/17), riješeno je kao u dispozitivu rješenja.

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

- 1.Služba za društvene djelatnosti i investicije
- 2.Dobojputevi d.d. Doboj Jug
- 3.Policajska stanica Tešanj
- 4.Web stranica Općine
- 5.a/a

22 POMOĆNIK OPĆINSKOG NAČELNIKA ->

